



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-03-03-24823-4/24  
Sarajevo, 24. 5. 2024. godine

Na osnovu čl. 4. i 22. Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj: 55/23), čl. 9, 14 i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22 ), Odluke Vlade Kantona Sarajevo o usvajanju Programa utroška sredstava Ministarstva za odgoj i obrazovanje Kantona Sarajevo za 2024. godinu: broj 02-04-7734-20/24 od 7. 3. 2024. godine i člana 2. Internog pravilnika o organizacijskim preduslovima i aktivnostima po Javnom pozivu za dodjelu transfera neprofitnim organizacijama i pojedincima za finansiranje/sufinansiranje programa/projekata/aktivnosti iz Budžeta Kantona Sarajevo za 2024. godinu, ministrica za odgoj i obrazovanje Kantona Sarajevo objavljuje:

## JAVNI POZIV

Javni poziv za podnošenje prijava neprofitnih organizacija i pojedinaca za dodjelu sredstava u svrhu finansiranja/sufinansiranja aktivnosti/programa/projekata u skladu sa Zakonom o osnovama bezbjednosti saobraćaja na putevima u BiH za djecu predškolskog uzrasta, učenike osnovnih, srednjih škola i mladih s teškoćama u razvoju, sa područja Kantona Sarajevo

## I PREDMET JAVNOG POZIVA

- (1) Predmet Javnog poziva je podnošenje prijava za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata edukativno-preventivnog karaktera, koji se odnose na povećanje saobraćajne bezbjednosti djece predškolskog uzrasta, učenika osnovnih i srednjih škola i mladih s teškoćama u razvoju (do 19. godine života), sa područja Kantona Sarajevo (u daljem tekstu: Javni poziv-saobraćaj).
- (2) Sredstva za realizaciju po osnovu Javnog poziva osigurana su u Budžetu Kantona Sarajevo za 2024. godinu, na razdjelu Ministarstva za odgoj i obrazovanje u ukupnom iznosu od 50.000 KM.
- (3) Od iznosa iz stava (2) ukupno 30 % sredstava može biti izdvojeno za finansiranje i sufinansiranje administrativnih troškova. Maksimalan iznos sredstava koji se može dodijeliti po projektu: 10.000,00 KM.

## II PRAVO PRIJAVE NA JAVNI POZIV

Pravo prijave na Javni poziv imaju neprofitne organizacije i pojedinci koje za sredstva iz Budžeta Kantona Sarajevo za 2024. godinu apliciraju u svrhu finansiranja/sufinansiranja aktivnosti/programa/projekata za djecu predškolskog uzrasta, učenike osnovnih škola, učenike srednjih škola i mlade sa teškoćama u razvoju (do 19. godine života). Po osnovu ovog Javnog poziva mogu biti sufinansirani projekti čija realizacija se planira započeti u prvom polugodištu školske 2024/2025. godine.

## III KRITERIJI ZA DODJELU SREDSTAVA

### 1. OPĆI KRITERIJI – potrebna dokumentacija:

- a) popunjen obrazac prijave za finansiranje/sufinansiranje programa/projekta/aktivnosti sa popisom priloga dostavljene dokumentacije (naziv projekta: opis potreba, kratak opis projekta, predračun projekta, ciljevi, ciljne grupe, plan realizacije projekta, lokacija projekta, trajanje projekta, osoblje i budžet - potpisan i ovjeren od strane ovlaštenog lica);
- b) Rješenje o upisu u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva (ovjereni kopija kod nadležnog organa);
- c) uredno ispunjenje obaveze iz svih prethodno zaključenih ugovora o finansiranju i sufinansiranju budžetskih sredstava (ili po osnovu ranije dodijeljenih sredstava, ako nisu zaključili ugovore) - izjava ovjereni od nadležnog organa;
- d) izjava da se protiv podnosioca prijave, odnosno lica ovlaštenih za zastupanje i voditelja programa/projekata/aktivnosti, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisana od ovlaštenog lica, ovjereni pečatom aplikanta i ovjereni kod nadležnog organa);
- e) uvjerenje o poreskoj registraciji - identifikacioni broj za pravno lice (dostaviti ovjereni kopiju kod nadležnog organa);
- f) potvrda poslovne banke da račun nije blokiran iz kojeg se vidi broj transakcijskog računa (ne starije od tri mjeseca);
- g) program rada za 2024. godinu sa obrazloženjem (potpisan od ovlaštenog lica i ovjeren pečatom aplikanta);
- h) finansijski plan za 2024. godinu sa analitički razrađenim troškovnikom programa/projekta/aktivnosti (potpisan od ovlaštenog lica i ovjeren pečatom aplikanta);
- i) uvjerenje od porezne uprave o izmirenim poreznim obavezama (ne starije od tri mjeseca);
- j) uvjerenje od porezne uprave o izmirenim porezima i doprinosima za zaposlene - ukoliko ima zaposlenih, ne starije od tri mjeseca (udruženje koje nema uposlenih i neizmirenih obaveza treba dostaviti ovjereni izjavu kod nadležnog organa da nema uposlenih i neizmirenih obaveza kojom to potvrđuje);
- k) zapisnik sa sjednice nadležnog tijela (skupština, upravni odbor) na kojoj je usvojen izvještaj o radu sa finansijskim izvještajem za prethodnu godinu (potpisan od ovlaštenog lica i ovjeren pečatom aplikanta);

- 1) bilans stanja i bilans uspjeha za prethodnu godinu sa vidljivim pečatom Finansijsko Informatičke Agencije, ovlaštene za ovjeru. Za podnosioca prijave koji je registrovan u prethodnoj godini - potvrda da nije bilo promjena na računu sa pečatom Finansijsko Informatičke Agencije (ovjeren od strane nadležnog organa).

## 2. POSEBNI KRITERIJI – potrebna dokumentacija:

Opis projekta koji obavezno sadrži:

- Naziv programa/projekta/aktivnosti;
- Opis potreba, usklađenost ciljeva, programa ili projekta sa ciljevima i prioriternim oblastima iz strateških dokumenata iz kojih su izvedeni prioriteti za dodjelu sredstava i ciljne grupe;
- Plan realizacije programa/projekta/aktivnosti sa naročitim osvrtom na kvalitet planiranih aktivnosti i metode provođenja koje su usko usmjereni za djecu određenog uzrasta i mlade sa teškoćama u razvoju do 19. godine života u 2024. godini iz Budžeta Kantona Sarajevo za 2024. godinu;
- Mjesto (lokacija) realizacije programa/projekta/aktivnosti, trajanje programa/projekta/aktivnosti, osoblje koje će realizirati projektne aktivnosti, kao i organizacijski i finansijski kapaciteti podnosioca prijave;
- Kratak opis dosadašnjeg iskustva podnosioca u provođenju istog ili sličnih programa/projekata/aktivnosti; učešće drugih partnera u realizaciji i njihovi kapaciteti;
- Budžet programa/projekta/aktivnosti razrađen/specificiran sa informacijama o ukupnom iznosu finansijskih sredstava potrebnih za provođenje projekta, iznosu koji se traži od Ministarstva za odgoj i obrazovanje Kantona Sarajevo, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje projekta (sufinansiranje), direktni troškovi provođenja projekta razrađeni po izvorima finansiranja, te indirektni troškove provođenja projekta;
- Informacije o rizicima i mogućim problemima u provedbi aktivnosti/programa/projekta;
- Opis održivosti programa/projekta/aktivnosti (obim u kojem će se rezultati provedenih programa i projekata nastaviti koristiti od strane krajnjih korisnika);
- Očekivani utjecaj i ishodi programa/projekta/aktivnosti, odnosno koje promjene se očekuju u toku i nakon provođenja programa/projekta/aktivnosti.

## IV ROK I NAČIN PODNOŠENJA PRIJAVE NA JAVNI POZIV

1. Krajnji rok za podnošenje prijave je 21 (dvadeset jedan) dan od dana objavljivanja Javnog poziva u dnevnim novinama „Oslobođenje“ i na web stranici Ministarstva za odgoj i obrazovanje Kantona Sarajevo: [www.mo.ks.gov.ba](http://www.mo.ks.gov.ba).
2. Prijava na Javni poziv podnosi se na propisanom obrascu.
  - Obrazac za prijavu projekta za finansiranje/sufinansiranje iz Budžeta Kantona Sarajevo sa popisom priloga,
  - obrazac narativnog i finansijskog izvještaja,
  - izjava ovlaštenog lica ponosioca prijave,

objavljeni su na web stranici Ministarstva za odgoj i obrazovanje Kantona Sarajevo: [www.mo.ks.gov.ba](http://www.mo.ks.gov.ba), a mogu se i lično preuzeti u šalter Sali, u zgradi Kantona Sarajevo ul. Reisa Džemaludina Čauševića 1, Sarajevo.

3. Sva dokumentacija podnesena na Javni poziv mora biti original ili ovjerena kopija kod nadležne općinske službe (ne dostavljati dokumentaciju koja se ne traži u Javnom pozivu, jer ista neće biti uzeta u razmatranje).
4. Dokumentacija se dostavlja istim redoslijedom kako je navedeno u Javnom pozivu i treba biti uvezana u cjelinu. Sve stranice moraju biti numerisane (može i ručno zbog priloga koji se računaju u ukupan broj stranica), ispečaćene i potpisane od strane odgovornog lica za predstavljanje i potpisivanje.
5. Prijava sa odgovarajućom dokumentacijom podnosi se u zatvorenoj koverti na čijoj poleđini obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo (soba 2) ili poštom na adresu:

### MINISTARSTVO ZA ODGOJ I OBRAZOVANJE KANTONA SARAJEVO

Reisa Džemaludina Čauševića br. 1

71 000 Sarajevo

**JAVNI POZIV**

**sa naznakom:**

**„Prijava na Javni poziv neprofitnih organizacija i pojedinaca za dodjelu sredstava u svrhu finansiranja/sufinansiranja aktivnosti/programa/projekata u skladu sa Zakonom o osnovama bezbjednosti saobraćaja na putevima u BiH za djecu predškolskog uzrasta, učenike osnovnih, srednjih škola i mladih s teškoćama u razvoju, sa područja Kantona Sarajevo“**

**(Ne otvaraj-Otvora Komisija)**



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

## V OPŠTE ODREDBE

1. Rukovodilac davaoca sredstava imenovat će Komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22) predsjednik, članovi Komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, rukovodilac davaoca sredstava će, ukoliko smatra osnovanim i uputnim i iz drugih razloga koji za posljedicu mogu imati pristrasno odlučivanje i razmatranje pristiglih prijava, isključiti predsjednika, člana, odnosno sekretara komisije za kojeg utvrdi da postoji sukob interesa, u cilju sprječavanja sukoba interesa osoba uključenih u postupak dodjele sredstava. Komisija imenovana od strane rukovodioca davaoca sredstava izvršit će pregled, odnosno, razmatranje pristiglih prijava na Javni poziv, utvrđivanje liste projekata koji ispunjavaju uslove za dodjelu sredstava sa razdjela Ministarstva za odgoj i obrazovanje, koja će biti objavljena na web stranici davaoca sredstava, te na osnovu zbirne liste ocijenjenih prijava izraditi prijedlog odluke o dodjeli transfera.
2. Davalac sredstava će obavijestiti pismeno podnosiocima čije prijave nisu prihvaćene u roku od 15 dana od dana objavljivanja rezultata. Podnosioci prijave imaju pravo na izjavljivanje prigovora rukovodiocu davaoca sredstava, u roku od sedam dana (7) dana od dana dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko je prijava na javni poziv odbijena kao nepotpuna, neblagovremena i neuredna.
3. Neblagovremene, nepotpune i neuredne prijave neće biti predmet razmatranja.
4. Za finansiranje/sufinansiranje realizacije odobrenih programa/projekata/aktivnosti zaključit će se pojedinačni ugovori kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, način i rokove izvještavanja, neprihvatljivi troškovi koji se ne mogu finansirati/sufinansirati dodijeljenim sredstvima i dr.
5. Doznačavanje odobrenih sredstava aplikantima vrši se nakon zaključenja Ugovora o dodjeli transfera za finansiranje i sufinansiranje programa/projekata/aktivnosti, a u skladu sa Operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva odgoj i obrazovanje Kantona Sarajevo za 2024. godinu.
6. Sredstva odobrena po osnovu Javnog poziva moraju se iskoristiti za realizaciju kandidovanog programa/projekata/aktivnosti pri čemu se korisnik sredstava mora pridržavati važećih propisa.
7. Korisnici sredstava dužni su dostaviti Ministarstvu izvještaj o namjenskom utrošku sredstava doznačenih iz Budžeta Kantona Sarajevo u roku od 30 dana od dana realizacije programa/projekata/aktivnosti, sa odgovarajućom dokumentacijom, a najkasnije do 31. 12. tekuće budžetske godine. Izvještaj se dostavlja na propisanom Obrascu narativnog i finansijskog izvještaja koji je sastavni dio ovoj Javnog poziva.

8. Primaoci finansijskih sredstava za realizaciju programa/projekata/aktivnosti koji nisu dostavili narativni i finansijski izvještaj o utrošku sredstava za odobreni program/projekat/aktivnost za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program/projekat/aktivnost, ne mogu biti prihvaćeni za finansiranje programa/projekata/aktivnosti.

Za sve dodatne informacije možete se obratiti Ministarstvu za odgoj i obrazovanje Kantona Sarajevo na tel. 033/279-210 i 033/770-192.

**MINISTRICA**

*Naida Hota-Muminović, s.r.*



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)